

handels jedermeninglich zuverstehen zu geben / damit das jenige so darauß entstehen mochte niemand anders dann den jänigen die darzu vrsach geben zugemessen wurde / sonderlich diesem Obersten / der sich so vndanckbar gegen dem hauß Nassaw / welches für diese Landen mit zusehung guts vnd bluts so viel gethan vnd gelitte / ja allen diesen Landen erzeigt / da er doch von schlechtem stand vnd wesen durch dero befürdüg so hoch erhebt worden / der da sich wider diese Landen auff geworffen / die Soldaten zu seiner Defension gebraucht / so vermessen wider das Hauß Nassaw vñ die Reputation dieser Landen sich vernemen lassen / der die Burger zu Medenblick entwapnet / vñ in summa durch Belt vnd Ehrgeiz sich hat verführen lassen / derowegen wir auch verhoffen / es werden sich die zu Medenblick ligende Soldaten von ihm abthun / als der vnder diesem schein (daß man nemlich den End / der dem Grafen von Incester oder Königl. Majest. in Engellandt in ihrem Namen gethan / betrachten müsse / vñ darneben auch zusehen daß mā volle bezahlung des ganzē hinderstelligē Solds durch dieses Mittel zu wege bringen könne) als vnder einē deckmantel / sein eigen sach / vñ seine unbegründte vnd nichtige klagen vñ beschwernussen / so er wider alle billigkeit / gegen die Landstende vñ dem Hauß Nassaw sūrgibt / hoch auffmuckē (da er doch billich betrachten solte / daß er von geringem stand vnd wesen durch dero selben hülff vñ befürderung grosse reichthumb erlangt) vñ also anders nichts suche / dann gemelte Soldaten von dem gehorsam vñ dienst so sie irem Vaterland vñ S. Excellenz von Nassaw schuldig / abzuziehen / vñ sie also zu ihrer vñ ihrer freunden grossen schand vñ vnehr / ja in gefahr leibs vñ lebens zubringen: da sie doch hingegen / wo fern sie

sie